

aut sic imposta, etiam a sponte dantibus, & concedentibus recipiunt. Necnon qui per se, vel alium, seu alios, directe, vel indirecte predicta facere, exequi, vel procurare, aut in eisdem auxilium, consilium, vel favorem, aut votum, seu suffragium, palam, vel occulte prestare non verentur, cuiuscumque sint preeminetia, dignitatis, ordinis, conditionis, aut status, etiam si Imperiali, aut Regali praeferantur dignitate, seu Principes, Duces, Comites, Barones, Respublica, & alii Potentatus quicumque, etiam Regnis, Provinciis, Civitatibus, Terris quoquo modo praesidentes, aut quavis etiam Pontificali dignitate insigniti. Innovantes decreta super his per Sacros Canones, tam in Lateranen. novissime celebrato, quam aliis Concil. generalibus edita, etiam cum censuris, & poenis in eis contentis.

Judices frequentes se interponentes in causis criminalibus contra personas ecclesiasticas.

§.19. Item excommunicamus, & anathematizamus omnes, & quoscumque Magistratus, Senatores, Praesidentes, Auditores, & alios quocumque nomine vocentur, ac Cancellarios, Vice-Cancellarios, Notarios, Scribas, ac executores, & subexecutores, & alios quoquo modo se interponentes in causis capitalibus, seu criminalibus contra personas ecclesiasticas, illas banniendo, capiendo, processando, seu sententias contra illas proferendo, vel exequendo, etiam praetextu quorumcumque privilegiorum a Sede Apostolica ex quibusvis causis, ac sub quibuscumque tenoribus, & formis, in genere, & in specie concessorum quibuscumque Regibus, Ducibus, Principibus, Rebuspublicis, Monarchis, Civitatibus, & aliis quibuscumque Potentatibus, quocumque nomine censeantur, quae nolumus illis in aliquo suffragari, illa omnia ex nunc in irritum revocando.

Occupantes Terras, & loca S.R.E. aut in illis jurisdictionem usurpantes, eorumque fautores.

§.20. Item excommunicamus, & anathematizamus, omnes illos, qui per se, vel alium, seu alios, directe, vel indirecte, sub quocumque titulo, vel colore, de facto occupant, vel detinent, vel hostiliter destruunt, vel invadunt, aut occupare, detinere, vel destruere, aut invadere hostiliter praesumpserint, in totum, vel in partem Almam Urbem, Regnum Siciliae, Insulas Sardiniae, & Corsicae, Terras citra Pharam, Patrimonium Beati Petri in Tuscia, Ducatum Spoletanum, Comitatum Venayinum, Sabinensem, Marchiam Anconitanam, Massam Trebariam, Romandiolam, Campaniam, & Maritimas Provincias, illarumque Terras, & loca, ac Terras specialis commissionis Arnulphorum, Civitatesque nostras Bononiam, Casenam, Ariminum, Beneventum, Perusium, Avinionem, Civitatem Castellum, Tudertum, & alias Civitates, Terras, & loca, vel jura ad ipsam Romanam Ecclesiam pertinentia distaue Romanae Ecclesiae mediate, vel immediate subiecta, quive supremam jurisdictionem in illis Nobis, & eidem Romanae Ecclesiae competentem, de facto usurpare, perturbare, retinere, & vexare variis modis praesumunt. Necnon adherentes, fautores, & defensores eorum, seu illis

auxilium, consilium, vel favorem quomodolibet praestantes.

Raptores honorum Cam. Apost. tempore infirmitatis Pontificis, aut vacationis Sedis Apostolicae.

§.21. Necnon omnes, & singulos suppellestiliam, librorum, scripturarum, & honorum Camerae, & Palatii Apostolici ex eodem Palatio, infirmitatis Rom. Pont., ac Sedis Apostolicae vacationis tempore, ablatores, raptores, & illorum detentores, ac quoscumque alios, ad quorum manus bona predicta quocumque titulo, & ex quavis causa scienter pervenerint.

Hec Constitutio datur usque ad publicationem alterius similis Constitutionis.

§.22. Volentes praesentes nostros processus, ac omnia, & quaecumque his literis contenta, quousque aliis hujusmodi processibus, a Nobis, aut Romano Pontifice pro tempore existent. fiant, aut publicentur, durare, suosque effectus omnino sortiri.

Reservatio absolutiois.

§.23. Ceterum predictis sententiis nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiae, & satisfaciendo cautione praestita, absolvi possit, etiam praetextu quarumvis facultatum, & indulgentiarum, quibuscumque personis ecclesiasticis, secularibus, & quorumvis Ordinum, etiam Mendicantium, & Militiarum regularibus, etiam Episcopali, vel alia majori dignitate praeditis, ipsique Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & locis piis, necnon laicis etiam Imperiali, Regali, & alia mundana excellentia fulgentibus; per Nos, & dictam Sedem, ac cuiusvis Concilii Decreta, verbo, literis, aut alia quacumque scriptura, in genere, & in specie, concessorum, & innovatorum, ac concedendorum, & innovandorum.

Abfolventes, alios casibus hic reservatis excommunicantur.

§.24. Quod si forte aliqui contra tenorem praesentium talibus excommunicatione, & anathemate laqueatis, vel eorum alicui absolutiois beneficium impedire de facto praesumpserint, eos excommunicationis sententia innodamus, gravius contra eos spiritualiter, & temporaliter, prout expedire noverimus, processuri.

Abfolutio Pontificis, quos comprehendat.

§.25. Declarantes ac protestantes quacumque absolutionem etiam solemniter per Nos faciendam, praedictos excommunicatos sub praesentibus comprehensos, nisi prius a praemissis, cum vero proposito ulterius similia non committendi, destiterint, ac quoad eos, qui contra libertatem, ut praemittitur, statuta fecerint, nisi prius statuta, ordinationes, constitutiones, pragmaticas, & decreta hujusmodi publice revocaverint, & ex Archivis, seu Capitularibus locis, aut in libris, in quibus adnotata reperiuntur, deleri, & cassari, ac Nos de revocatione hujusmodi certiores fecerint, eos non comprehendere, nec eis aliter suffragari. Quin etiam per hujusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel Successorum nostrorum quocumque tempore continuata, in praemissis omnibus & singulis, ac quibuscumque juribus Sedis Apo-

stolicae, ac S.R.E. undecumque, & quomodocumque quaesitis, vel quaerendis nullatenus praedjudicari posse, seu debere.

Clausula derogatoria.

§.26. Non obstantibus privilegiis, indulgentiis, & literis Apostolicis generalibus, vel specialibus, supradictis, vel eorum alicui, seu aliquibus, & aliis cuiuscumque Ordinis, status, vel conditionis, dignitatis, & praeminetiae fuerint, etiam si ut praemittitur, Pontificali, Imperiali, Regali, seu quavis Ecclesiastica, & mundana praesulgeant dignitate, vel eorum Regnis, Provinciis, Civitatibus seu locis, a praedicta Sede ex quavis causa, etiam per viam contractus aut remunerationis, & sub quavis alia forma & tenore, ac cum quibusvis clausulis, etiam derogatoriis derogatoriis concessis, etiam continentibus quod excommunicari, anathematizari, vel interdicti non possint per literas Apostolicas non facientes plenam, & expressam, ac de verbo ad verbum de indulto hujusmodi, ac de Ordinibus, locis, nominibus propriis, cognominibus, & dignitatibus eorum nominationem. Necnon consuetudinibus etiam immemorabilibus, ac praescriptionibus quantumcumque longissimis, & aliis quibuslibet observantiis, scriptis vel non scriptis, per quae contra hos nostros processus ac sententias, quominus includantur in eis, se juvare valeant, vel tueri, quae omnia quoad hoc, eorum omnium tenore, ac si ad verbum nihil penitus omisso infereantur praesentibus, pro expressis habentes, penitus tollimus, & omnino revocamus, ceterisque contrariis quibuscumque.

Forma & effectus publicandi hanc Constitutionem in Urbe.

§.27. Ut vero praesentes nostri processus ad communem omnium notitiam facilius deducantur, chartas, seu membranas processus ipsos continentes, valvis Ecclesiae S. Joannis Lateranensis, & Basilicae Principis Apostolorum de Urbe appendi faciemus, quae processus ipsos quasi sonoro praenotio, & patulo indicio publicabunt, ut ii quos processus hujusmodi contingunt, quo ad ipsos non pervenerint, aut quod ipsos ignoraverint, nullam possint excusationem praetendere, aut ignorantiam allegare, cum non sit verisimile id remanere incognitum, quod tam patenter omnibus publicatur.

Ordinarii locorum debent quotannis hic Constitutionem in eorum Ecclesiis frequentius populo publicare.

§.28. Insuper, ut processus ipsi, ac praesentes literae, ac omnia, & singula in eis contenta eo fiant notoria, quo in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, Praelatis, & Rectoribus ubilibet constitutis per haec scripta committimus, & in virtute sanctae obedientiae districte praecipiendo mandamus, ut per se, vel alium, seu alios praesentes literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major populi multitudo ad divina convenerit, solemniter publicent, & ad Christifidelium mentes reducant, nuncient, & declarent.

Confessarii habent transcriptum suum.

§.29. Ceterum hortamur eosdem universos, & singulos Patriarchas, Archiepi-

scopos, Episcopos, aliosque locorum Ordinarios, & Ecclesiarum Praelatos, necnon Rectores, ceterosque curam animarum, exercentes, ac presbyteros seculares, & quorumvis Ordinum regulares ad audendum confessiones quavis auctoritate deputatos, ut transcriptum harum literarum penes se habere, legere, & diligenter examinare procurent.

Transumptis subscriptis datur fides.

§.30. Volentes earumdem praesentium transumptis, etiam impressis, Notarii publici manu subscriptis, & sigillo Judicis Ordinarii Romanae Curiae, vel alterius personae in dignitate Ecclesiastica constitutae munitis, eandem prorsus fidem, in iudicio, & extra illud ubique locorum adhibendam fore, quae ipsis praesentibus adhiberetur, si essent exhibitae, vel ostense.

Sanctio poenalis.

§.31. Nulli ergo omnino hominum liceat hanc paginam nostrae excommunicationis, anathematizationis, interdicti, declarationis, protestationis, sublationis, revocationis, commissionis, innodationis, mandati, hortationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac beatorum Petri & Pauli Apostolorum eius se noverit incursum.

D. P. An. XI. 4. Aprilis.

Datum Romae apud Sanctum Petrum, Anno Incarnationis Dominicae, millesimo quingentesimo octuagesimo tertio, pridie Nonas Aprilis, Pontificatus nostri Anno XI.

CXLVIII.

Quod Praeceptorum Militiae, & Ordinis Sancti Joannis Hierosolymitani vacent per promotionem ad Episcopatum. De hac Militia vide ad Const. XV. Anastasii IV. Christianae. Tom. II. fol. 346.

GREGORIUS EPISCOPUS SERVUS SERVORUM DEI

Ad futuram rei memoriam.

Controversia inter Venerabilem Fratrem nostrum Thomam Episcopum Melevitan., & dilectum Filium Michaelem Palentin proxime suscitata, occasione Praeceptorum de Masden., Prioratus Cathalauniae, Hospitalis S. Joannis Hierosolymitani, de qua pridem vacante per susceptionem muneris consecrationis ejusdem Episcopi, dicto Michaeli canonice provisum fuerat, ipse vero Episcopus, illam, non ut beneficium vacationi obnoxium, sed ut praedium possidere posse contendebat.

Controversia super vacatione, de qua in rubr.

§.1. Nos causam hujusmodi, Causarum Curiae Camerae Apostolicae Generali Auditori audiendam commisimus, & sine debito terminandam, omni, & quacumque appellatione remota, qui voto Auditorum causarum Palatii Apostolici de mandato nostro adhibito provisionem praedictam Canonice declaravit, perpetuum Episcopo silentium imponendo, ac praetensam ejus appellationem rejiciendo.

Decisio dictae controversiae emanata ab Aud. Cam.

§.2. Quare Nos attendentes, Episcopum dictam praepetoriam, sive praedium, sive beneficium, sive quodvis aliud, cum sua

Approbatio Pontificis.

D. P. An. XI.
29. Aprilis.

Ex Regest. in
Secret. Breu.

Exordium.

Facti series,
& causa Con-
stitutionis ce-
denda.

cum sua Ecclesia sine dispensatione Aposto-
lica retinere non posse, ideoque iuxta Mi-
chaelis postulationem assentientes, prædi-
ctam declarationem, & quicquid ab ipso
Auditore in hac re decretum est, præsen-
tium auctoritate confirmamus, appellatio-
ne huiusmodi, & quacumque provocatione,
vel protestatione ex parte Episcopi interie-
cta non obstante.

Nulli ergo &c.

Datum Romæ apud Sanctum Petrum,
Anno Incarnationis Dominicæ millesimo
quingentesimo octuagesimo tertio, tertio
Kalen. Maii, Pontificatus nostri Anno XI.

CXLIX.

Prohibitio sub penis &c. ne cuiquam liceat
contractus contra dispositionem statuto-
rum, aut juris communis, seu Mono-
polii in Comitatu Rossilionis.

Similis prohibitio facta fuit pro Comitatu Ce-
retanie, & Regno Valentie, quas, ut po-
te huic simillimas, iisdemque compactis ter-
minis, omittendas putavi.

GREGORIUS PAPA XIII.

Ad perpetuam rei memoriam.

Quæcumque improbi quæstus cupiditate
ab hominibus adinventæ, que non ad
commodum Republicæ, sed detrimenta,
pertinent, reprobanda penitus, nec quoquo-
modo tolleranda esse censemus.

§.1. Cum itaque sicut Nobis innotuit
nonnulli Mercatores Comitatus Rossilionis
cupiditatis voragine ducti, ut famem in Co-
mitatu prædicto pro eorum libito inducant,
ac Christianidelibus pauperibus frumentum eo,
quo volunt, pretio vendant, diversis sub
prætextibus, & cautelis excogitatis etiam
in Juris Civilis, & Pontificii fraudem, quo
annonam cariorem faciant, frumentorum
diversa Monopolia exerceant, ex quibus aut
pauperes in dies fame perire contingit, aut
omnia eorum bona una die, quo victum
sibi parent, vendere coguntur, diversos-
que contractus vulgo quietamenti nuncupati
eo in Comitatu a Mercatoribus in usum in-
ducti sunt, dum Communitates, & Univer-
sitates Oppidorum, locorum, seu Villa-
rum Comitatus prædicti ere alieno gravatæ
illud exsolvere queant, & Mercatores ad
eum effectum pecuniam offerunt ac loco pec-
uniæ frumenti, vini, oleive aliquam quan-
tatem infra certum temporis, vel plurium
etiam annorum spatium, prout inter ipsos
conventum est, ab eisdem exigunt, sive a
Communitatibus, vel Universitatibus re-
colligatur, sive non recolligatur, exactasque
quantitates vini, frumenti, & olei huius-
modi congerunt, & conservant, & magno
pretio suo tempore illa vendant, qua ra-
tione eorundem Mercatorum lucrum,
dum nulli periculo iidem sunt obnoxii, in
infinitum excrescit: hinc dum de vendendis
mercibus agitur, iidem in frumento sibi de
eorum pretio satisfieri procurant, aliisque
veris, aut simulatis locationibus, fructuum-
que arrendationibus fere universum,
quod in Comitatu prædicto colligitur, fru-

mentum in eorum potestatem redigunt, ac
in propriis horreis congregant, servantque,
donec annonæ caritas eo in Comitatu inva-
lescat, ac tum demum vel iniquo pretio
illa venalia vix proponunt.

§.2. Hæc cum pessima permessa sint,
animæque periculum, & detrimentum asse-
rant, & publicam ejus Comitatus quietem
perturbent, maximisque incommodis, &
difficultatibus illud afficiant, Communita-
tesque, & Universitates concepta spe de-
ceptæ, vini, ac frumenti, vel olei quan-
tatem conventam pro pecunia præstare ne-
queunt majoribus debitis, & oneribus se
involvunt, atque implicant, ac demum
eam ob causam facultatum suarum jacturam
omnino faciunt: agricolæ vero, & rustici,
dum sibi quæ quotidiano usui necessaria sunt
summo labore undique corradunt, semen ad
serendos agros, in unum redigere nequeunt
in eos, qui huiusmodi negotia contra juris
rationem pertractare, ac Comitatum am-
plissimum his in difficultatibus adducere
non erubescunt, pro munere Nobis iniun-
cto animadvertendum, & providendum esse
censemus, prout dudum felic. record.
Adrianus Papa VI. Prædecessor noster simi-
libus rationibus inclinatus Civitati Cæsaraug-
ustanæ, & Regno Aragoniæ per suas expe-
ditas literas desuper providit, quas per alias
nostras desuper in forma Brevis sub Datum
14. Maii Pontificatus nostri anno sexto ex-
peditas literas innovavimus, ac nedum an-
tiquitas a dicto Prædecessore contra familia
agentes sancte statutas, & propositas penas
ad usum revocavimus, verum etiam severe-
rius animadvertendum esse censuimus.

§.3. Itaque Motu proprio, & ex certa
scientia, ac matura deliberatione nostra,
dictarumque Prædecessoris, & nostrarum
litterarum tenorem præsentibus pro plene,
& sufficienter, ac de verbo ad verbum ni-
hil penitus omisso, expressis habentes, eas-
que renovantes, & ad Comitatum prædi-
ctum extendentes, & ampliantes sub ex-
communicationis lætæ sententiæ, ac amif-
sionis dicti frumenti, vinei, & olei pro
una videlicet Regi, & alia executori, re-
liqua vero partibus denunciatori applican-
dis penis ipso facto incurrendis prohibemus,
ne cuiquam quovis prætextu, liceat vini,
frumenti, seu olei quantitatem aliquam
causa revendendi in prædicto Comitatu
quacumque ratione, cum anticipatione solu-
tionis pretii, seu alias retinere, aut dictos
quietamentos vulgariter nuncupatos, seu
quascumque alias similes, vel dissimiles
arrendationes frumentorum, & fructuum,
ac cuiusvis generis contractus, ex quibus
publica utilitas lædatur, caritasque Anno-
næ sequatur, quas etiam penas incurtere
volumus quoscumque dantes in his auxilium,
consilium, vel favorem, publice, vel oc-
culte, directe, vel indirecte, quovis præ-
textu, aut quæsito colore, præter a jure com-
muni propositas, & constitutas penas in
exercentes monopolia, quibus talia com-
mittentes omnino obnoxios esse volumus,
ac præfenti nostro edicto sancimus, ne su-
per

Innovatio li-
terarum Adria-
ni VI. Illarum-
que amplia-
tio, & exten-
sio ad Comi-
tatum Ross-
lionis.

Pena in Ta-
bellionibus.

Eterna maledi-
ctio in eos,
qui præmissis
prohibiti-
onibus non obte-
peraverint, &
alix penæ.

Cianfule.

Executores
præfentis Co-
stitutionis.

Derogatio
contrariorum.

Fides trans-
portorum.

per contractibus prædictis, quos omnino
reprobamus. Tabelliones, vel Notarii publi-
ci, sive Apostolica, aut Imperiali, Regali,
vel alia quacumque creati fuerint auctori-
tate, aliquod Instrumentum conficere, vel
in protocollum redigere, vel aliquam scri-
pturam, etiam privatam desuper conscri-
bere pro cautela simplici audeant, vel præ-
sumant, quod si secus fecerint, in Tabel-
liones, tamquam crimen falsi committen-
tes animadvertatur, & ad eadem, & alia
quæcumque munera, publicasque functiones
perpetuo inhabiles sint.

§.4. Eos vero, qui in aliquo prædicto-
rum contraverint, præter dictas sententias,
censuras, & penas maledictionis æternæ,
qua ex parte Omnipotentis Dei in scriptis
ferimus, ac infamæ perpetuæ, & crimini
Monopolii, & indebitarum, & iniustarum
usurarum, confiscationis, ac priva-
tionis bonorum quorumcumque immobi-
lium, seu jurisdictionalium, ac feudorum
omnino esse subiectos, & Christi Corpore,
& Ecclesiæ Dei unitate separatos, ac omni
& quocumque Beneficio, & Officio Eccle-
siastico, vel seculari, sive temporali, sive per-
petuo existere privatos, & ad illa inhabiles
esse statuimus, & declaramus, & in casibus
prædictis, absolutionem a sententia excom-
municationis, Nobis, & Romano Pontifici,
præterquam si in articulo mortis constituti
fuerint, reservamus.

§.5. Sicque, & non aliter per quoscum-
que Judices, & Commissarios quavis aucto-
ritate fungentes, etiam S. R. E. Cardina-
les, & causarum Palatii Apostolici Auditores
fuerint, sublata eis, & eorum cuilibet
quavis aliter iudicandi, & interpretandi
f. cultate, & auctoritate, judicari, & desi-
niri debere, ac si secus super his a quoquam
quavis auctoritate scienter, vel ignoranter
contigerit attentari, irritum, & inane de-
cernimus.

§.6. Mandantes omnibus, & singulis
Venerabilibus Fratribus Archiepiscopis,
Episcopis, ac dilectis filiis Abbatibus, ce-
terisque Ecclesiarum Prelatis quacumque
auctoritate, & dignitate fulgentibus Comi-
tatus prædicti, quatenus prædictas literas, &
in eis contenta quacumque in eorum, nec-
non singulorum Parochialibus, & aliis
Ecclesiis, si id necessarium esse judicaverint,
publicent, seu publicari faciant, & ab om-
nibus exacte servari curent.

§.7. Non obstantibus Constitutionibus, &
Ordinationibus Apostolicis, contrariis qui-
buscumque, aut si aliquibus communiter,
vel divisim ab Apostolica sit Sede indultum,
quod interdicti, suspendi, vel excommu-
nicari non possint per literas Apost. non fa-
cientes plenam, & expressam, ac de verbo
ad verbum de Indul. huiusmodi mentionem.

§.8. Ceterum, quia difficile foret, præ-
sentes literas ad singula quæque loca de-
ferri, in quibus eadem publicari debent;
volumus, quod illarum transumptis, etiam
impressis, manu alicuius Notarii publici
subscriptis, & sigillo personæ in Ecclesiasti-
ca dignitate &c.

Bull. Rom. Tom. IV. Par. IV.

§.9. Et ne aliqui ex eo, quod notitia
prædictarum litterarum ad eos non pervene-
rit, se excusare possint, volumus eorum tran-
sumpta, etiam ut præfertur, impressa, &
in singulis Cathedralium, & Metropolitanarum
Ecclesiarum dicti Comitatus valvis
affixa veræ, & realis publicationis, &
intimationis vim, & effectum fortiantur,
ac omnes, & singulos, quos ille concer-
nunt, perinde afficiant, ac si singulariter, &
personaliter singulis intimata forent.

Datum Romæ apud Sanctum Petrum,
sub Annulo Piscatoris die 2. Maii 1582. Pon-
tificatus nostri Anno XI.

CL.

De Electione, numero, & qualitatibus Ma-
gistrorum Sacræ Theologiæ, de cetero in
Provinciis Italiæ eligendorum ex Ordine
Fratrum Eremitarum S. Augustini.

Alia de hoc Ordine lege apud Alex. IV. Con-
stit. XXIX. Licet Tom. III. fol. 373.

Dilectis filiis Priori Generali, & Fratribus
Ordinis Eremitarum S. Augustini Pro-
vinciarum Italiæ.

GREGORIUS PAPA XIII.

Dilecti filii salutem, & Apostolicam
benedictionem.

Dominicum gregem sollicitudini no-
stræ commissum, internis oculis per-
spicimus introspectantes, Religiosorum, &
eorum, qui mundanis abiectis illecebris,
Altissimo in humilitatis spiritu famulantur,
præcipuam curam gerere, & ea quæ profes-
sioni illorum adversari, seu quomodolibet
illorum quietem, & felicem statum pertur-
bare posse videntur, de medio tollere,
quantum ex alto Nobis conceditur, sata-
gentes, mentis nostræ aciem ad Ordinem
vestrum ab ipso Sancto Aurelio Augustino
institutum præcipua cura convertimus.

§.1. Cumque inter vos summa cum to-
tius agri Dominici fertilitate, quampluri-
mi sacris literis operam navantes, ad Lec-
toris, Baccalauri, & postremo Magistri
seu Doctoris in Sacra Theologia gradum
promoveri, & promoti certis privilegiis,
immunitatibus, exemptionibus, præemi-
nentibus, & superioritatibus, juxta Ordinis,
& regulæ vestræ, statutorum, & institutio-
num formam, & continentiam frui, &
gaudere consueverint. Et propterea multi
propriis potius quam communibus commo-
dis servientes, seipso publicis officiis, oneribus,
& laboribus subtrahere satagentes,
ad Magisterii, seu Magistri sive Doctoris
gradus properantes anhelant, illum modis
omnibus ambientes adeo, ut nisi malo hu-
jusmodi celeriter occurratur, brevi tem-
pore dubitandum sit, ne plures Magistri,
quam discipuli in vestro Ordine, præfer-
tim in Provinciis Italiæ reperiantur, &
cum omnes privilegio Magisterii, seu Ma-
gistri, vel Doctoris suffulti fuerint, nemo
qui necessaria singulorum Monasteriorum,
seu domorum vestrarum munia exercere,

Exceptionem
ignorantia ad
mittendam nõ
esse.

Dat. die 2.
Maii 1582.
An. XI.

Exordium.

Causæ hujus
Constitutionis.

E

ve

velit, reliquis futuris sit. Unde factum est, ut Fratres Eremitæ Ordinis vestri Provinciarum extra Italiam constitutarum, Magistros, seu Doctores, nisi magna cum cautela, & parvo in numero a certis annis citra non admiserint, nec admittant de præfenti.

Prescriptio
numeri & qua-
litarum, Ma-
gistrorum in
Theologia
eligendorum.

§.2. Nos igitur malis huiusmodi occurrere, & utilitati vestrum omnium confidere, & ut posthac nonnisi idonei, & in numero decenti ad magisterium, sive Magistri, aut Doctoris gradum promoveantur, providere volentes, Prædecessorum nostrorum, & præfentem felicis recordationis Bonifacii Papæ Octavi, qui alias per suas literas, sub Datum Romæ apud Sanctum Petrum, quinto Kalendas Maii, Pontificatus sui Anno decimotertio, Ordinis Fratrum Prædicatorum Magistros huiusmodi creandi modum, & normam præscripsit, inherentes, Motu proprio, non ad vestram, seu alicujus vestrum super hoc Nobis oblata petitionis instantiam, sed ex nostra certa scientia, & spontanea voluntate, ac de Apostolica potestate plenitudine, statui-mus, decernimus, ordinamus, volumus, mandamus, vetamus, & prohibemus, ne posthac Prior Generalis Ordinis vestri pro tempore existens, neque etiam ipsum Capitulum generale capitulariter congregatum, aut quocumque Capitulum sive Congregatio Provincialis, cujuscumque Provincia intra Italiam constituta, sive alii quicumque, quacumque ecclesiastica, sive mundana præfulgeant dignitate, & potestate, etiam Sanctæ Romanæ Ecclesiæ Cardinales, prætextu cujuscumque consuetudinis, etiam immemorabilis, sive privilegii, aut indulti Apostolici ex quacumque causa quomodolibet pro tempore, etiam Motu proprio per quoscumque Prædecessores nostros aut Nos forsitan concessi, & innovati, quoscumque quantumcumque idoneos, & habiles ad Magisterium, sive Magistri, aut in Sacra Theologia Doctoris gradum, & dignitatem quomodolibet efferre, aut promovere, seu efferri, & promoveri permittere possit, aut valeat, seu præsumat, nisi singulis sex annis in singulis Capitulis Generalibus, coram Definitoribus, & in ipso Definitorio, & non ultra duos ex singulis Italiae Provinciis, seu Congregationibus, ac alias modis, formis, locis, temporibus, & a personis infra scriptis examinandos, & approbandos, videlicet, ut in Capitulis Provincialibus, a vobis, & singulis vestris Italiae Provinciis, seu Congregationibus, statutis temporibus celebrari solitis ex vobis ipsis, & ex singulis quibusque respective Provinciis, seu Congregationibus, si fieri possit, sin autem ex vicinioribus, viri Magistri in Sacra Theologia moribus, & doctrina idonei duo, qui ad Magisterii gradum, modo, & forma infra scriptis promovendos examinare, & in eorum & cujuslibet eorum vitam, & mores inquirere, illorumque concursus audire, ut de eo, sive eis recte iudicare possint, & valeant, eligantur, jurentque Electi ipsi, se solo Re-

ligionis zelo, omni humano affectu postposito, illos sese electuros, quos vita, moribus, & doctrina idoneos, seu idoneiores ex sua cujusque conscientia judicio, iudicabunt.

Experimentis,
& examen-
corundem.

§.3. Omnes vero, & singuli de singulis quibuscumque Italiae Provinciis, seu Congregationibus respective, qui se ad Magisterii, seu Magisterii, vel doctoratus huiusmodi gradum, & dignitatem ascendere posse confident, ex ipsis quibusque respective Provinciis, seu Congregationibus (si aderunt) sin autem, etiam ex aliis, dummodo promovendi ipsi ad aliquod Monasterium illius Provinciae, in qua promovendi fuerint, transferantur, & ab eo in filios legitime suscipiantur, summa cum diligentia, & maturitate ab Electis huiusmodi examinentur, & in eorum omnium, & singulorum scientia, & doctrina periculum fiat, & experientia, & centum formatis schedulis distinctiones, & punctos ex quatuor Magistri sententiarum libris, vigintiquinque scilicet ex libro quolibet exceptos continentibus, illisque in urnam coniectis, singule forte extrahantur, quæ singulis promovendis incontinenti assignentur, & super schedulis ipsis sive punctis sibi assignatis, qui forte obvenerint, singuli promovendi, vigintiquatuor horarum spatio in præsentia duorum, sicut præmittitur, Electorum, & aliorum doctorum virorum, ac Patrum vocalium ipsius Capituli Provincialis, lectionem, ut vocant, scholasticam legere, & ex ea conclusiones suo arbitrio disputandas proponere, & contra ipsos omnes, & singulos, sicut præfertur, legentes, & sustentantes Magistri graduati sic ut præfertur Electi, seu alias præfentes, saltem tres Magistri arguere, & contradicere teneantur. Et insuper inter promovendos ipsos fiat concursus, ut quis eorum alio, seu alius magis idoneus repertus fuerit, alios posthabitis, præferatur. Examinibus vero, & concursibus singulis in suis quibusque Provincialibus Capitulis modo, & forma præmissis, perfectis, omnes, & singuli, qui examini-bus, & concursibus ipsis, sicut præfertur, electi præfuerint, prævio eorum, & cujuslibet ipsorum juramento, singulis pro suis conscientis solum Deum, & Religionis Christianæ profectum præ oculis habentes, omni, & quocumque alio affectu postposito, quos idoneos, seu magis idoneos reputaverint, in schedula eorum, & cujuslibet eorum propria manu scripta, seu subscripta adnotare, & Priori Generali in generali Capitulo quolibet sexennio celebrari solito coram Definitoribus, seu majori illorum parte, & in ipso definitorio, & non alibi, sub poena excommunicationis præfentare curabunt.

Facultas Pri-
oris Generalis
eos promo-
vendi.

§.4. Ex ipsis autem modo, & forma præmissis, & singulis Provinciis, seu Congregationibus electis examinatis, & pro idoneis, seu magis idoneis approbatis, & receptis Prior generalis pro tempore existens, in loco ipso definitorio, & non alibi, & coram ipsis Definitoribus, seu majori illorum par-

Revocatio
privilegii quibus-
cumque
concessi.

te, duos, & non plures singulis sex annis, & in generali Capitulo ex singulis Italiae Provinciis, seu Congregationibus eligere, illosque in Sacra Theologia Magistros, sive Doctores creare, & facere, auctoritate nostra possit, & valeat, sicque per ipsum Priorem Generalem assumpti, & promoti, in ipsa Sacra Theologia Magistri vere, & realiter, ubique, tam tota Italia quam extra in quacumque Provincia, vel Congregatione censeantur, & existant, omnibusque, & singulis gratiis, privilegiis, exemptionibus, præminentis, & superioritatibus, tam a jure communi, quam statutis, & consuetudinibus Ordinis vestri in Sacra Theologia Magistris, & Doctoribus concessis, & indultis, & quibus alii quicumque in Sacra Theologia Magistri, seu Doctores in publicis quibuscumque Gymnasiis, aut Universitatibus ad Magisterii, seu Magistri, vel Doctoris gradum promoti, & assumpti, uti, frui, potiri, & gaudere soliti sunt, & consueverunt, utanturque, potiantur, & gaudent, uti, frui, potiri, & gaudere possint, utanturque, fruantur, potiantur, & gaudeant, libere, & licite, ac pacifice, & quiete. Nos enim tibi dilecto filio Priori generali moderno, & pro tempore existenti, modo, & forma præmissis a Provincialibus Capitulis electos, & pro tempore eligendos, etiam absque alicujus loci Ordinarii, sive Collegii, aut Universitatis, sive Studii, aut Gymnasii generalis, sive illius Rectoris, aut cujuscumque Administratoris quocumque nomine nuncupati, & quacumque Ecclesiastica, seu mundana auctoritate, & potestate fungentis, etiam Sanctæ Romanæ Ecclesiæ Cardinalis licentia, ad Magisterii, sive Magistri, seu Doctoris in Sacra Theologia huiusmodi gradum, præminentiam, dignitatem, auctoritatem, & facultatem promoveri, illisque omnibus, & singulis Magistris, seu Doctoris in Sacra Theologia insignia, auctoritates, facultates, & potestates singulis Magistris, & Doctoribus in ipsa Sacra Theologia, per Nos, aut quoscumque locorum Ordinarios, sive Visitatores, Collegia, Studia, Gymnasia, illorumque Rectores, sive Administratores quoscumque, aut alias quascumque personas, quacumque auctoritate, & potestate suis, & S. R. E. Cardinales, & de latere nostro Legatos, vel etiam quacumque loca concedi solita, ipsis, sicut præfertur, electis, examinatis, & approbatis, quos ex singulis Provinciis, modo, & forma præmissis prævia de more professionis fidei, & in Magistros, seu Doctores assumpseris, dare, indulgere, concedere, & attribuire, etiam si Capitulum Generale huiusmodi in Alma Urbe nostra, aut alibi, ubi Nos, & Curiam nostram Romanam tunc temporis commorari contigerit, aut in aliis quibuscumque Civitatibus, in quibus Gymnasia, & Studia generalia vigere dignoscuntur, aut in futurum quomodolibet eriguntur, fieri, & celebrari contigerit, plenarie concedimus, & indulgemus, præfentium per tenorem.

Bull. Rom. Tom. IV. Par. IV.

§.5. Decernentes, & districte præcipiendo mandantes, ne quisquid vestrum, qui posthac cujuscumque privilegii, etiam a Nobis, & Successoribus nostris, etiam Motu proprio concessi, aut alias quomodolibet impetrati prætextu, ad cujuscumque Doctoratus, aut Magisterii gradus, etiam a quibuscumque locorum Ordinariis, etiam S. R. E. Cardinalibus, aut de latere Legatis, sive in quibuscumque Gymnasiis, aut Universitatibus in posterum promoti fuerint, Magistri, aut in S. Theologia Doctoris titulum, nomen, insignia, aut præminentiam, seu privilegia, & exemptiones quascumque usurpet, aut usurpare, sive alias, aut aliter quam modo, & forma præmissis, concessi uti quomodolibet publice, vel occulte audeat, seu præsumat sub poena privationis ceterorum graduum, & inhabilitatis ad Magisterium, etiam si alicuius per Nos, aut Successores nostros, ac Sedem Apostolicam, ut in Sacra Theologia vere, & realiter Magistri, seu Doctores sint, & existant, & omnibus gratiis, privilegiis, exemptionibus, & indultis, quibus ceteri Magistri, & Doctores potiri, & gaudere consueverint, potiantur, & gaudeant, quomodolibet concessum extiterit. Interdicentes etiam, prout earundem præfentium tenore interdiximus, omnibus, & singulis Italiae Provinciis prædictis, & quibuscumque Congregationibus vestris, ne quemquam ad Magisterium, sive Doctoratum approbare, aut proponere, aliter, alibi, aut alias, quam præscriptis modis, formis, personis, & locis, ac temporibus possint, aut valeant, quovis quæsto colore, vel ingenio.

Executores
deputatio.

§.6. Quocirca Venerabilibus fratribus nostris Jacobo Episcopo Portuensi moderno, ac pro tempore existenti Ordinis vestri Protectori, necnon Mediolanensi Archiepiscopo, ac dilecto filio Curie causarum, Camera nostræ Apostolicæ generali Auditori per præfentes Motu simili mandamus, quatenus ipsi, vel duo, aut unus eorum, per se, vel alium, seu alios præfentes nostras literas, & in eis contenta quacumque, ubi, & quando opus fuerit, ac quoties pro parte vestra, aut alicujus vestrum fuerint requisiti, seu eorum alter fuerit requisitus, solemniter publicantes, illisque in præmissis efficacis defensionis præsidio assistentes, faciant auctoritate nostra, præmissa omnia, & singula ab omnibus, & singulis, quos tangunt, seu tangere poterunt quomodolibet in futurum, inviolabiliter observari. Contradictores quoscumque per censuras, & poenas Ecclesiasticas, aliaque opportuna juris, & facti remedia, appellatione postposita, compescendo, necnon legitimis super his habendis servatis processibus, censuras, & poenas, per eos, seu eorum alterum inflictas, & comminatas sæpius aggravando, & reagravando, etiam invocato ad hoc, si opus fuerit, auxilio brachii secularis.

Clausula de-
rogatorie.

§.7. Non obstantibus felicis recordationis, Gregorii Decimi, ac Bonifacii Octavi
E 2 vi

1583.

vi Prædecessorum nostrorum de una, & Concilii generalis de duabus dietis dummodo quis vigore presentium ad iudicium ultra tres dietas non trahatur, ac aliis Constitutionibus, & Ordinationibus Apostolicis, privilegiis quoque, & indultis, etiam Mare magnum appellatis, ex quacumque, etiam onerosa, & necessario exprimenda causa, tam vobis, & Ordini vestro, quam singulis vestris Provinciis, Congregationibus, & domibus, seu Monasteriis, aut particularibus personis, quam etiam quibuscumque locorum Ordinariis, etiam S. R. E. Cardinalibus, aut de latere Legatis, vel etiam Gymnasiis, & Studiis, seu Universitatibus quibuscumque, etiam Magistros ipsos in Sacra Theologia creandi, & promovendi modum, formam, & normam præscriben. etiam cum quibusvis etiam insolitis, & efficacioribus, ac derogatoriis derogatoriis clausulis, & decretis, etiam Motu proprio concessis, & innovatis, ceterisque contrariis quibuscumque. Quibus omnibus, etiam de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda foret, tenores huiusmodi presentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto huiusmodi mentionem.

D.P. An. XII. 25. Junii. Datum Romæ apud S. Marcum, sub Annulo Piscatoris die 25. Junii 1583. Pont. nostri Anno XII.

CLL.

Dismembratio tertiæ partis fructuum ab uno Canonicatu, & Præben. quatumcumque Ecclesiarum Cathedralium, & Metropolitanarum Regnorum Portugallia, & Algarbiorum, & applicatio eorundem Officio SSmæ Inquisitionis dictorum Regnorum.

GREGORIUS PAPA XIII.

Ad perpetuam rei memoriam.

EX iniuncti Nobis Apostolici muneris, debito inducimur, & rationis ordine suadente curare tenemur, ut his, qui pro Fidei Catholice conservatione, & puritate, ac hæresum extirpatione jugiter laborare non cessant, pro eorum comoda sustentatione, ac necessitatibus sublevandis, & onerum illis incumbentium supportatione, congruæ subventionis auxilia ex Christi Domini patrimonio ministrantur.

§.1. Cum itaque sicut carissimus in Christo filius noster Philippus Portugallia, & Algarbiorum Rex Catholicus suo, & dilectorum Filiorum Generalis, & aliorum Inquisitorum hæretica pravitatis in Portugallia, & Algarbiorum Regnis existentium,

D.P. An. XII. 25. Junii. Ex Regest. in Secret. Brevis.

Exordium.

Facti series.

1583.

nominibus exponi Nobis nuper fecit, Officium Sanctæ Inquisitionis in dictis Regnis institutum gravium impensarum mole ita gravatum existat, ut ad Generalis, & aliorum Inquisitorum prædictorum, Ministrorumque, & Officialium congruam subventionem, onerumque ipsi Officio diversimode incumbentium supportationem annuus redditus quatuordecim millium cruciatorum non sufficiant, redditus autem, & proventus ipsius Officii ad decem mille ducat. annuatim non ascendant, ac proinde Officium ipsum non parvo subventionis auxilio indigere noscatur. Nos qui alias procurante clar. mem. Sebastiano Regnorum prædictorum Rege asserente redditus, & proventus annuos Officii prædicti summam quinque millium cruciatorum non excedere ab uno, & una Ulixbonen., & Elboren., ac Colimbrien. duas tertias partes, ex singularum vero aliarum Cathedralium, etiam Metropolitanarum Ecclesiarum Regnorum prædictorum Canonicatibus, & præbendis, quibusdam exceptis etiam tunc vacan. seu qui primo quovis modo vacare contingeret, medietatem omnium, & singularum fructuum, reddituum, & proventuum, jurium, obventionum, & emolumentorum, ac distributionum quotidianarum, solis presentibus, & divinis interestibus dari, & per eos lucrari solitarum ab ipsis Canonicatibus, & Præbendis dismembravimus, & separavimus, illaque eidem Officio perpetuo applicavimus, & appropriavimus, prout in nostris desuper in forma Brevis confectis literis plenius continetur.

§.2. Et sicut accepimus dismembratio, & applicatio huiusmodi effectum sortita non sunt, eisque Fidei Catholice conservationem, & puritatem summopere affectamus, Officii prædicti indemnitati in partem saltim consulere, & ut impensas prædictas commodius perferre valeat, de aliquo subventionis auxilio providere volentes, necnon fructuum, reddituum, & proventuum eidem Officio alias quomodolibet, Apostolica, vel alia auctoritate applicatorum seu unitorum quantitates, qualitates, verosque annuos valores, ac prædictarum, seu quarumcumque aliarum literarum, unionum, seu applicationum huiusmodi tenores, continentias, & formas, presentibus pro expressis habentes, ac posteriores dismembrationem, separationem, & applicationem penitus abrogantes, cassantes, irritantes, & annullantes, Philippi Regis, & Inquisitorum prædictorum Nobis super eo porrectis supplicationibus inclinatis ab uno, & una ex Ulixbonen., & Elboren., ac Colimbrien. medietatem, & singularum vero aliarum Cathedralium, etiam Metropolitanarum Ecclesiarum Regnorum prædictorum ab uno, etiam, & una Canonicatibus, & Præbendis Theologalibus, Doctoratibus, & Penitentialibus tamen exceptis etiam nunc actu vacan. seu qui primo per cessum, vel decessum aut quamvis aliam dimissionem, vel amissionem,

Causa Constitutionis eadem.

Dismembratio fructuum Canonicatus, seu Dignitatum Cathedralium, ut infra.

1583.

nem, aut privationem illos ad presens obtinentium, seu alias quovis modo, & ex quorumcumque personis, etiam apud Sedem Apostolicam, etiam in aliquo ex mensibus Nobis, aut Romano Pontifici pro tempore existentis, & Sedi huiusmodi referatis, etiam Ordinariis Collatoribus per Constitutiones Apostolicas nunc, & pro tempore editas, seu literas alternativarum aut etiam alia privilegia, & indulta hæcenus concessa, vel in posterum concedenda vacare contigerit, & tanto tempore vacaverint, quod eorum collatio iuxta Lateranen. statuta Concilii ad dictam Sedem legitime devoluta, ipsique Canonicatus, & Præbenda, dispositioni Apostolica specialiter, vel ratione cuiusvis etiam nostræ, vel alicujus Cardinalis viventis, in Romana curia presentis familiaritatis continue commensalitatatis, aut aliarum quavis causæ, non tamen ex causâ resignationis generaliter reservati existant, & super eis lis inter aliquos, cuius statum, & merita nominatæ, & cognomina Judicum, & Colligatorum, necnon singulorum Canonicatum & Præbendarum prædictorum fructuum, reddituum, & proventuum veros annuos valores presentibus pro expressis etiam habentes, tertiam partem omnium, & singularum fructuum, reddituum, & proventuum, jurium, obventionum, & emolumentorum, ac etiam distributionum quotidianarum solis presentibus, & divinis Officiis interscendentibus, dari, & per eos lucrari solitarum auctoritate Apostolica tenore presentium perpetuo separamus, & dismembramus, illasque sic separatas, & dismembratas eidem Officio, ita quod liceat modernis & pro tempore existentibus generalis, & aliis Inquisitoribus, Ministris, & Officialibus prædictis singulas partes dismembratas, ac separatas prædictas per se, vel alium, seu alios propria auctoritate, & ex integris fructibus mensurarum Capitularium percipere, exigere, levare, locare, dislocare, arrendare, atque in suos, & dicti Officii usus, & utilitatem convertere, Diocesani loci, vel cuiusvis alterius licentia desuper minime requisita, auctoritate, & tenore prædictis, etiam perpetuo applicamus, & appropriamus.

Clausula.

§.3. Decernentes presentes literas de subreptionis, vel obreptionis, aut intentionis nostræ, seu quovis alio prætextu, seu causâ annullari, & invalidari, vel impugnari, aut per loci Ordinarios, aut Capitula Ecclesiarum prædictarum, seu alios quoscumque revidere, vel examinari nullatenus posse, minusque sub similibus, aut dissimilibus separationum, dismembrationum, applicationum, appropriationum, concessionum, assignationum, aut aliarum gratiarum revocationibus, suspensionibus, limitationibus, aut aliis contrariis dispositionibus minime comprehendi posse, sed tamquam in fidei favorem emanatas, ab illis semper exceptas, & quoties ille emanabunt, toties in pristinum statum restitutas, repositas, & reintegratas esse,

1583.

& censeri, irritum quoque, & inane, si fecus super his a quoquam quavis auctoritate scienter vel ignoranter contigerit attentari.

§.4. Non obstantibus Nostris de unionibus committendis ad partes, vocatis interesse habentibus, & exprimen. valorem, necnon Lateranen. Concilii, uniones perpetuas, nisi in casibus a jure permisis fieri prohiben., aliisque Constitutionibus, & Ordinationibus Apostolicis, necnon singularum Ecclesiarum prædictarum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis iisdem Ecclesiis, illarumque Præfibus, Superioribus, Capitulis, & personis, sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere, vel in specie, etiam per quoscumque Romanos Pontifices Prædecessores nostros, & Sedem prædictam, Motu proprio, & certa scientia, ac alias quomodolibet concessis, approbatis, & innovatis. Quibus omnibus, etiam de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda esset, tenores huiusmodi, ac si de verbo ad verbum, nihil penitus omisso, & forma in illis tradita observata inserti forent presentibus, pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Derogatio Constitutionum.

§.5. Volumus autem, quod ubi fructus, redditus, & proventus, jura, obventiones, & emolumenta, ac distributiones aliquorum ex Canonicatibus, & Præbendis primo vacaturis prædictis ad ducentos cruciatus monetæ Portugallia secundum communem estimationem prædictam annuatim non ascendant, ex illis ea tantum pars, quæ valorem annuum centum cruciatorum similibus excedet separata, & dismembrata, in dicto officio applicata censetur, ita ut ipsos Canonicatus, & Præbendas pro tempore obtinentibus centum cruciati ad minus annuatim remaneant, quodque Canonicatus, & Præben. huiusmodi, a quibus partes prædictorum fructuum dismembrati contigerit, aliquibus idoneis viris, qui onera consueta illis incumbencia cum residuo fructuum illis remanentium supportent, conferantur.

Exceptio de Canonicatibus, quarum redditus non excedat 400. cruciatus.

Datum Romæ apud Sanctum Petrum, sub annulo Piscatoris, die 28. Junii 1583. Pontificatus Nostri Anno XII.

Dat. die 28. Junii 1583. An. XII.

De-

CLII.

Declaratio precedentie inter Ordines Mendicantium, & inter Confraternitates Laicorum in processionibus.

Adverte quod Pius V. generaliter dedit Precedentiam Fratribus Predicatoribus Ordinis S. Dominici ante alios Mendicantes, ut in ejus Constit. XCIV. Divina. Tom. IV. Par. III. fol. 30.

GREGORIUS PAPA XIII.

Ad perpetuam rei memoriam.

Exordium.

Exposit Pastoralis Officii munus, cui disponente Domino presidemus, ut ad ea sollicite intendamus, per que discordiarum, & litium, ac controversiarum quarumlibet, presertim inter personas Ecclesiasticas materia tollatur.

Causa Constitutionis.

§.1. Sane Nobis nuper innotuit, quod in multis Civitatibus, & Dioecesibus diversarum Mundi partium nonnullae lites, causae, & controversiae inter Fratres Mendicantes, aliae etiam similes lites, & controversiae inter Confratres Christianissimum, super praecedentia vel jure praecedendi, orta jam sint, & oriri facile possint.

Extinctio litium.

§.2. Nos considerantes lites, causas, & controversias hujusmodi in Ecclesia, praesertim inter religiosas personas, quae relictis mundi vanitatibus famulatum, & votum suum in humilitatis spiritu Domino, & Deo nostro, qui se pro Nobis usque adeo humiliavit, ut formam servi acciperet, exhibere, & persolvere profitentur, non modicam illi praeclearae, Deoque praecipuae dilectae virtuti, quae est humilitas, labem infundere, populoque scandalum generare, ac propterea illas omni ratione submoendas, publicaeque Religionis tranquillitati, ac Ministrorum Ecclesiasticorum reconciliationi, & mutuae dilectioni quamprimum consulendum esse rati, ac supremam huic negotio manum apponere volentes, necnon causas, lites, seu controversias hujusmodi ubilibet, & coram quibusvis Judicibus motas, & in quibusvis instantiis indecisas pendentes ab eisdem Judicibus harum serie ad Nos advocantes, illasque penitus extinguentes, eisdemque Fratribus Mendicantibus, ac Confratribus super praemissis perpetuum silentium imponentes.

Diffinitio differentie circa praecedentiam.

§.3. De Nobis attributa potestatis plenitudine volumus, & Apostolica auctoritate decernimus, quod quicumque ex dictis Fratribus Mendicantibus inter se de praecedentia hujusmodi contendentes, aut Confratribus Confraternitatum praedictarum, inter quos lites, & causae praemissorum occasione orta jam sint, seu oriri contigerit in futurum, qui in quasi possessione praecedentiae ac juris praecedendi sunt, ii, (quibuscumque reclamacionibus, protestacionibus, appellacionibus, & aliis subterfugiis prorsus remotis, & cessantibus, & postpositis) in processionibus tam publicis quam privatis praecedere debeant. Quando vero non probetur, aut non constet de quasi

possessione praecedentiae hujusmodi, inter Fratres quidem Mendicantes, ii, qui antiquiores in loco controversiae, inter Confratres vero inter se litigantes ii, qui prius factis usi sunt, in processionibus tam publicis quam privatis praecedere debeant, ita ut si contigerit nova Monasteria, aut domus aliquus Ordinis Mendicantium in loco, in quo alterius Ordinis ex dictis Mendicantibus Monasteria aut domus prius erecta, & instituta sint, ille Ordo, qui prius Monasterium, seu domum in loco habuerit, praecedat.

Declaratio diffinitionis.

§.4. Praeterea quia inter praedictos Ordines plerumque alia in Processionibus, & alia in Conciliis Generalibus, & aliis actibus publicis sive privatis, ratio circa modum praecedendi servatur, nolumus per praesentes praerogativas dictorum Ordinum, quoad praecedentias hujusmodi, quae propriis Ordinibus, praeterquam in Processionibus praedictis debentur, aut Fratribus Capucinis nuncupatis, qui in Processionibus publicis sub Conventualium Sancti Francisci, aut Minorum de Observantia Fratrum nuncupatorum, Cruce, ut solent, incedere possint, aliquod praerogativam generari.

Clausula subblata.

§.5. Sicque per quoscumque Judices, & Commissarios, etiam S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, ac quicquid secus super his a quoquam quavis auctoritate scienter vel ignoranter contigerit attentari, irritum, & inane decernimus.

Clausula derogatoria.

§.6. Non obstantibus Constitutionibus, & Ordinationibus Apostolicis, Ecclesiarum, Monasteriorum, Ordinum, Congregationum, Domorum, ac Confraternitatum quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, eorumque Superioribus, & personis, sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere vel in specie, etiam Motu proprio, aut alias quomodolibet concessis, ac etiam iteratis vicibus approbatis, & innovatis. Quibus omnibus, illorum tenores praesentibus pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Transumptio fidei.

§.7. Volumus autem ut praesentium transumptis manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides, tam in iudicio quam extra adhibeatur, quae praesentibus literis adhiberetur, si forent exhibitae, vel ostensa.

D.P. An. XII. 15. Julii.

Datum Romae apud S. Marcum, sub annulo Piscatoris die 25. Julii, 1583., Pontificatus nostri Anno XII.

Confir-

CLIII.

Ex Regest. in Secret. Brevis.

Confirmatio erectionis quorundam Monasteriorum Ordinis Monachorum S. Pauli primi Heremite in Ungaria, Polonia, Istria, ac Dalmatia, & Privilegiorum.

GREGORIUS PAPA XIII.

Ad futuram rei memoriam.

Exordium, & facti series.

§.1. CUM inter alios Religiosorum Ordines, quibus fides Catholica, quasi gemmis rutilantibus illustratur. Ordo, quem B. Paulus primus Heremita deserti loca petens vitae sanctimoniam, & institutis eximie instituit, singulari quodam splendore refulgeat, convenit, Nos illum, illiusque Monasteria omnia specialibus favoribus, & gratis prosequi: Exponi siquidem Nobis nuper fecerunt dilecti filii Generalis, & Monachi ipsius Ordinis, quod nonnulla ejusdem Ordinis Monasteria, seu Domus, aut loca, tam in Hungaria, & Polonia Regnis, quam Istria, & Dalmatia, sive Sclavonia, dudum erecta, & instituta fuerunt, ipsique erectiones, & institutiones dictorum Monasteriorum, seu domorum, aut locorum per Nos approbari, & confirmari desiderant.

Confirmatio, & approbatio omnium Domorum, & Monasteriorum, & donationum, & factarum Ordinis Sancti Pauli primi Heremite.

§.2. Quare pro parte eorumdem Generalis, & Monachorum Nobis fuit humiliter supplicatum, quatenus eorum desiderio in praemissis annuere de benignitate Apostolica dignaremur. Nos Monasteriorum, seu Domorum, aut locorum praedictorum situationes, qualitates, quantitates, denominationes, nuncupationes, & veros annuos valores, ac quarumcumque scripturarum desuper consecrarum tenores praesentibus pro expressis habentes, hujusmodi supplicationibus inclinati, omnes, & singulas erectiones, & institutiones, quorumcumque dicti Ordinis B. Pauli primi Heremite Monasteriorum, Domorum, seu locorum in Ungaria, & Polonia Regnis, ac Istria, & Dalmatia, seu Sclavonia hujusmodi, eorumque privilegia, libertates, facultates, favores, gratias, immunitates, & indulta, quatenus in usu sint, & Sacris Canonibus, & praesertim Concilii Tridentini Decretis non adversentur, necnon quascumque donationes, & legata bonorum, & rerum illis per quoscumque facta, & inde secuta omnia, Apostolica auctoritate tenore praesentium approbamus, & confirmamus, illisque perpetuae, & inviolabilis firmitatis robur adiciamus, necnon omnes, & singulos, tam juris, quam facti defectus, si qui intervenerint in eisdem, supplemus.

Clausula, & executionis mandatum.

§.3. Decernentes ex nunc irritum, & inane, si secus super his a quoquam quavis auctoritate, scienter, vel ignoranter contigerit attentari. Quo circa Venerabili fratri Episcopo Zagabrien. ac dilectis filiis nostro, & Sedis Apostolicae in illis partibus existentis Nuncio, ac Causarum Curiae Camerae Apostolicae generali Auditori per praesentes mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta

quacumque ubi, & quando opus fuerit, ac quoties pro parte Generalis, & Monachorum praedictorum fuerint requisiti, solemniter publicantes, illisque in praemissis efficacis defensionis praesidio assistentes faciant auctoritate nostra praemissa omnia observari. Non permittentes Monachos, & quavis alias personas dictorum Monasteriorum seu locorum, aut domorum, desuper a quoquam quomodolibet molestari. Contradictores quoslibet, ac rebelles, & praemissis non parentes per sententias, censuras, & poenas ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii facularis.

Derogatio contrarium.

§.4. Non obstantibus felicis recor. Bonifacii Papae Octavi Praedecessoris nostri de una, & Concilii Generalis de duabus dietis, dummodo quis vigore praesentium ad iudicium ultra tres dietas non trahatur, aliisque Constitutionibus, & Ordinationibus Apostolicis, necnon quibusvis concessionibus, seu unionibus, aut applicationibus desuper factis, contrariis quibuscumque. Aut si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Fides transumptum.

§.5. Ceterum quia difficile foret, praesentes literas ad singula quaeque loca, ubi necesse fuerit, deferri, volumus, & dicta auctoritate decernimus, quod transumpto praesentium literarum, sigillo alicujus Praefati Ecclesiastici munito, & manu Notarii &c.

Dat. die 25. Julii 1583. An. XII.

Datum Romae apud Sanctum Petrum sub Annulo Piscatoris die 25. Julii, 1583., Pontificatus nostri anno duodecimo.

CLIV.

Confirmatio diversorum Privilegiorum pro Doctoribus Philosophiae, & Medicinae Collegiorum Bononien.

Ex Regest. in Secret. Brevis.

GREGORIUS PAPA XIII.

Ad perpetuam rei memoriam.

§.1. Tanta sunt, quae per Philosophiae, & Medicinae scientiam humanae vite commoda afferuntur, ut illarum professores, qui pro publica utilitate laborare non cessant, Sedis Apost. benignitatem in eorum petitionibus, & votis experiri, & amplioribus in dies ornamentis decorari promerentur. Exponi siquidem Nobis nuper fecerunt dilecti filii Doctores Philosophiae, & Medicinae Collegiorum nostrae Civitatis Bononiae per dilectum filium nostrum Philippum tituli S. Sixti Presbyterum Cardinalem Boncompagnum nuncupatum, quod ipsi cupiunt Privilegia, immunitates, facultates, libertates, & indulta ipsis Collegiis a Romanis Pontificibus Praedecessoribus nostris, ac Imperatoribus, & Regibus, aliisque Principibus concessa, ut perpetuae fir-

Exordium, & facti series.